



卷之四

此卷之四  
其文曰  
...

28

皇清職貢圖

卷六

松潘鎮中營轄西壩包子寺等處番民以下四  
川省

松潘鎮中營轄西壩包子寺等處番婦

松潘鎮中營轄七步我眉喜番民

松潘鎮中營轄七步我眉喜番婦

松潘鎮左營轄東壩阿思洞番民

松潘鎮左營轄東壩阿思洞番婦

松潘鎮右營轄北壩元壩泥巴等寨番民

松潘鎮右營轄北壩元壩泥巴等寨番婦

威茂協轄瓦寺宣慰司番民

威茂協轄瓦寺宣慰司番婦

威茂協轄雜谷各寨番民

威茂協轄雜谷各寨番婦

兒那達番民

兒那達番婦

威茂協轄沃日各寨番民

威茂協轄沃日各寨番婦

威茂協轄小金川番民

威茂協轄小金川番婦

威茂協轄金川番民

威茂協轄金川番婦

威茂協轄岳希長寧等處番民

威茂協轄岳希長寧等處番婦



松潘鎮屬龍安營轄象鼻高山等處番民

松潘鎮屬龍安營轄象鼻高山等處番婦

龍安營轄白馬路番民

龍安營轄白馬路番婦

石泉縣青片白草番民

石泉縣青片白草番婦

松潘鎮屬漳臘營轄寒盼祈命等處番民

松潘鎮屬漳臘營轄寒盼祈命等處番婦

漳臘營轄口外甲凹鵲個等處番民

漳臘營轄口外甲凹鵲個等處番婦

漳臘營轄口外三郭羅克番民

漳臘營轄口外三郭羅克番婦

漳臘營轄口外三阿樹番民

漳臘營轄口外三阿樹番婦

松潘鎮屬疊溪營轄大小姓黑水松坪番民

松潘鎮屬疊溪營轄大小姓黑水松坪番婦

松潘鎮屬平番營轄上九關番民

松潘鎮屬平番營轄上九關番婦

平番營轄下六關番民

平番營轄下六關番婦

松潘鎮屬南坪營轄羊崗各寨番民

松潘鎮屬南坪營轄羊崗各寨番婦

建昌中營轄阿都沙馬猓羅

建昌中營轄阿都沙馬猓羅婦

建昌中左營轄祭祀田等處猓羅

建昌中左營轄祭祀田等處猓羅婦

建昌中右營轄阿史審扎等處猓羅

建昌中右營轄阿史審扎等處猓羅婦

建昌鎮屬會川永寧營轄披沙等處苗人

建昌鎮屬會川永寧營轄披沙等處苗婦

建昌右營轄蘇州白露等處西番

建昌右營轄蘇州白露等處西番婦

建昌鎮屬越雋等營轄九枝門呆結惟土番

建昌鎮屬越雋等營轄九枝門呆結惟土番婦

越雋等管轄邛部暖帶等處西番猓婦

越雋等營轄邛部暖帶等處西番猓婦

建昌鎮屬會鹽等營轄瓜別馬喇等處麼些

建昌鎮屬會鹽等營轄瓜別馬喇等處麼些婦

會鹽營轄右所土千戶猓婦

會鹽營轄右所土千戶猓婦

建昌鎮屬懷遠營轄虛朗等處猓婦

建昌鎮屬懷遠營轄虛朗等處猓婦

會鹽營轄中所土千戶猓婦

會鹽營轄中所土千戶猓婦

會川營轄通安等處擺夷

會川營轄通安等處擺夷婦

會川營轄黎溪等處棘人

會川營轄黎溪等處棘人婦

會川營轄迷易普隆寺等處擺夷

會川營轄迷易普隆寺等處擺夷婦

永寧協右營屬九姓苗民

永寧協右營屬九姓苗婦

普安等營轄雷波黃螂夷人

普安等營轄雷波黃螂夷婦

馬邊營轄蠻夷長官司夷人

馬邊營轄蠻夷長官司夷婦

泰寧協左營轄沈邊番民

泰寧協左營轄沈邊番婦

泰寧協左營轄冷邊番民

泰寧協左營轄冷邊番婦

泰寧協右營轄大田西番民

泰寧協右營轄大田西番婦

泰寧協右營轄大田猓獠

泰寧協右營轄大田猓獠婦



泰寧協標右營松坪夷人

泰寧協標右營松坪夷婦

泰寧協屬黎雅營轄木坪番民

泰寧協屬黎雅營轄木坪番婦

泰寧協屬阜和營轄明正番民

泰寧協屬阜和營轄明正番婦

阜和營轄德爾格特番民

阜和營轄德爾格特番婦

泰寧協屬裏塘番民

泰寧協屬裏塘番婦

泰寧協屬巴塘番民

泰寧協屬巴塘番婦

阜和營轄革什咱番民

阜和營轄革什咱番婦

阜和營轄斯甲番民

阜和營轄斯甲番婦

阜和營轄霍耳章谷等處番民

阜和營轄霍耳章谷等處番婦

阜和營轄納滾番民

阜和營轄納滾番婦

阜和營轄春科番民

阜和營轄春科番婦

阜和營轄納奪番民

阜和營轄納奪番婦

阜和營轄上下瞻對番民

阜和營轄上下瞻對番婦

阜和營轄瓦述餘科等處番民

阜和營轄瓦述餘科等處番婦

阜和營轄咱里番民

阜和營轄咱里番婦

松潘鎮中營轄西壩色子寺等處番民



松溪鎮中營轄西壩色子寺等處番婦



松潘古氏羌地唐置松州後為吐蕃所有宋  
時蕃將潘羅支領之名潘州明置松潘等衛  
安撫司其色子寺拈佑客亞寨熱霧作填寨  
于

本朝康熙四十一年歸化毛草阿按寨麥雜蛇  
灣寨于雍正二年歸化各設土千戶百戶管  
轄給以號紙俾其承襲居多山谷番民薙髮  
留辮戴白氎纓帽衣用羊皮以布緣之番婦

髮垂兩辨束以紅帛綴螺蚌為飾衣布褐  
邊衣常以木桶負水頗習耕織輸糧賦

松潘鎮中營轄七步我眉喜番民



松潘鎮中營轄七步我眉喜番婦



我眉喜六小十五寨七步徐之河大小十一  
寨皆番徠種也康熙四十二年歸化以土千  
戶領之其居碉房地種青稞麻麥俗狡而貪  
番民椎髻耳貫大環長領短衣披羊皮番婦  
披髮結辮短衣布裙俱跣足性亦強悍頗習  
耕織其輸納青稞充兵米則自乾隆十七年  
始

松潘鎮左營轄東壩阿思洞番民



松潘鎮左營轄東壩阿思洞奇婦



東壩阿思洞大小十一寨亦西番種

本朝順治十五年歸化領以土千戶番民居處

土室狐帽羶衣罽帶草履常以牛角盛烟草

吸之番婦辮髮分垂續以牛毛細繩如荷蓑

狀胸掛素珠著綠邊長衣花布半臂頗知耕

織納青稞充兵米



松潘鎮右營轄北壩元壩泥巴等寨番民



松潘鎮右營轄北壩元壩泥巴等寨番婦



北壩元壩下泥巴大小七寨西番

本朝康熙元年歸化以土百戶領之番民居處  
 半山土房便于耕牧俗尚儉樸習勞苦皮帽  
 長衣番婦服飾與東壩畧同勤于耕織輸青  
 稞以充兵米

威茂協轄瓦寺宣慰司番民



威茂協轄瓦寺宣慰司番婦



古冉驪國漢為汶山郡唐改茂州明洪武中  
 平蜀置威茂道開府其地其瓦寺番居大江  
 西南之山谿中號西溝生番正統時滋擾內  
 地有桑納思霸者平之授為宣慰使

本朝順治七年歸化仍令承襲在汶川等縣輸  
 賦俗勇悍屢奉征調崇尚喇嘛病則誦經番  
 民衣服與內地相似婦女挽髻裹花布巾長  
 衣摺裙勤于耕作秋成後夫婦相攜赴內地

傭工名為下壩春月始歸播種歲以為常

威茂協轄雜谷各寨番民



威茂協轄雜谷各寨番婦



雜谷本唐時吐蕃部落

本朝康熙二十三年土目桑吉明投誠授安撫  
 司土同知其後蒼旺者於乾隆十四年以効  
 力金川授宣慰使十七年謀逆伏誅改土歸  
 流設理番同知管轄居處碉房飲酥油熬茶  
 食青稞麥麵男女相悅攜手歌舞名曰鍋椿  
 俗尚喇嘛重女輕男番民戴布帽耳綴銅環  
 衣褐佩刀番婦辮髮接紅牛毛盤之以珊瑚

松石為飾短衣長裙習織毛褐又松岡寨向  
 隸雜谷今以蒼旺弟根濯斯甲為長官司領  
 之

兒那達番民



兒那達番婦



兒那達地約百里天氣常寒居處飲食與雜  
 谷相同番民披髮耳綴銅環著絨布短衣婦  
 女披髮額綴花鈿衣無袖短衣以五色布裂  
 片圍腰亦間有繫裙者



威茂協轄沃日各寨番民



威茂協轄沃日各寨番婦



沃日土司兜達那之始祖喇嘛巴必泰於  
本朝順治十五年歸化封沃日灌頂淨慈妙智  
國師頒給印信承襲性强勇善弓矢以耕種  
為生崇尚佛教番民戴皮帽著短衣披偏單  
於背佩刀履革婦女辮髮絨帽短衣長裙繫  
皮褐大帶亦知力作習紡織

威茂協轄小金川番民



威茂協轄小金川番婦



小金川即金川寺其酋堅參利卜於康熙五  
 年歸化頒給演化禪師印其弟吉兒卜細承  
 襲所屬有美諾章固各寨性强勇好仇殺以  
 耕牧為生崇信喇嘛番民椎髻氈帽綴以豹  
 尾短衣摺裙身佩雙刀番婦以黃牛毛續髮  
 作辮盤之珊瑚為簪短衣革帶長裙跣足往  
 來負戴亦知紡織又有孫克宗石南壩等處  
 男女身纏幅布蔽以羊皮婚配後始著衣裙

俗愈朴陋

威茂協轄金川番民



威茂協轄金川番婦



金川即金川寺種類堅參利卜異母弟罕旺  
八澤之子色勒奔於雍正八年授安撫司職  
銜乾隆七年身故弟色勒奔細承襲負險恃  
強侵凌諸部自乾隆十三年平定之後懷德  
畏威恪守蠻服番民椎髻帽用羊皮染黃色  
以紅帛緣之耳綴銅環布褐短衣麻布裙出  
入必佩兵械崇佛教知耕作婦女結辮於首  
綴以珊瑚耳綴大環短衣長裙知紡織其居

處土物與雜谷等處略同

威茂協帽岳希長寧等處番民



皇清野史圖

威茂協轄岳希長寧等處番婦



岳希長官司管黑虎寨七族長寧安撫司管  
二十七寨靜州長官司管十二寨隴木長官  
司管赤土關諸族拗盤諸寨其酋長皆自唐  
宋以來承襲

本朝因之皆輸賦於茂州番民居土室戴羊皮  
帽布褐長衣以耕種為生亦有貿易者婦女  
盤髮纓帽耳綴大銅環長衣革履頗勤耕織  
婚禮用豕肪為餽佐以銀布俗習狡悍又有



水草坪竹木坎諸土司亦畧相同

松潘鎮屬龍安營轄象鼻高山等處番民



松潘鎮屬龍安營轄象鼻高山等處番婦



象鼻高山黃羊關等寨本吐蕃裔與松潘平  
番族同類宋進士薛嚴守龍州有功世襲土  
知州安撫等官

本朝順治六年歸化授其後人以土知事其地  
皆高山積雪不消疊石為重屋覆以柴薪上  
居人而下飼畜番民戴氍笠插雉羽著緣邊  
布褐衣褐帶革履以耕稼採藥為生性淳好  
佛番婦辮髮挽髻裹以繡巾項垂珠絡著緣

邊長衣或五色相間多跣足頗勤紡績雖行  
 路亦手撚毛線所食菽子青稞之屬無貢稅

龍安營轄白馬路番民



龍安營轄白馬路番婦



白馬路十八寨亦吐蕃裔與陝西洮文番族  
同類宋進士王斯倫為龍州判官有功世襲  
明改土歸流授王氏以土通判長官司等官  
本朝順治六年歸化仍襲前職其地常寒俗好  
鬪傷人則以刀布牛羊償或爭訟理曲者亦  
以物請和解婚娶女父母同來婿家飲仍攜  
女歸踰年復同來始成禮焉生子教以射獵  
獵大直三牛亦種青稞苽麥之屬無賦稅番

民戴草帽著羊裘常負木柴入內地市易番  
 婦辮髮垂兩肩束以布或綴珠石著緣邊長  
 衣花布半臂頗知耕織

石泉縣青片白草番民



石泉縣青片白草番婦



青片白草四十二寨其先本氏羌明歸白馬  
生番屬長官司

本朝康熙中改土歸流舊隸龍安營嗣改隸石  
泉縣多居山麓以土為屋俗淳朴以耕稼畜  
牧為生歲輸米十二石九斗為石泉汛兵食  
番民服制與齊民同惟常著麻衣插雉羽於  
草笠番婦薙頂髮留四周結辮為髻裹繡布  
巾短衣長裙以繡緣之習紡織亦有跣足耕

作者

松潘鎮屬漳臘營轄寒盼祈命等處番民



松潘鎮屬漳臘營轄寒盼祈命等處番婦



寒盼祈命商巴三寨皆氏羌裔明置長官司  
 本朝康熙中歸化各設土千戶隸漳臘營散居  
 山中以板為屋性淳良勤耕作番民氈帽褐  
 衣負茶出口易牛馬售於內地番婦辮髮續  
 以鼈尾其長至膝著五色布衣綴瑪瑙碑磔  
 為飾頗奉佛好施亦知耕織



漳臘營轄口外甲四鵲個等處番民



漳臘營轄口外甲四鵠個等處番婦



口外甲四鵠個郎情阿壩十二部落氏羌之裔前代為生番

本朝雍正元年剿撫歸化分設土千戶百戶以統之地皆沙漠饒水草以畜牧為生寢處布幕飲食喜乳湏番民雜髮不留辮衣裘褐番婦披髮不櫛雜繫珠石於髮上跣足耕種亦能織毛褐以青稞為賦及折繳馬價有差

漳獵營轄口外三鄂羅克番民



漳臘營轄口外三郭羅克番婦



口外三郭羅克氏羌之裔

本朝康熙六十年剿撫歸化設土千戶百戶統  
 之半居山嶺半處平原疊石為碯房力耕者  
 少惟獵野獸以佐食俗狡悍貪利常出劫奪  
 名曰放夾壩番民戴狐帽著褐衣以虎豹皮  
 緣之革帶革履番婦辮髮後垂約以布囊雜  
 綴珠石為飾衣服與男子畧同歲輸馬價一  
 百餘兩

漳臘營轄口外三阿樹番民



漳臘營轄口外三阿樹番婦



口外三阿樹即郭羅克種領統於土千戶番  
民戴狐帽衣裘褐著草履番婦垂髮於兩肩  
著緣邊長衣其俗勇悍馳馬射獵亦習耕織

松潘鎮屬疊溪營轄大小姓黑水松坪番民



松潘鎮屬疊溪營轄大小姓黑水松坪番婦



疊溪明初置長官司所轄河東熟番八寨皆  
 大姓及馬路小關七族其土舍轄河西小姓  
 六寨而黑水松坪皆屬焉其首郁氏為多

本朝康熙間先後歸化仍各授土千百戶其居  
 多山岡累土為屋番民戴纓笠著布衣番婦  
 挽髻裹花布巾綴大耳環著細摺長衣草履  
 勤耕作習紡織大姓小姓松坪各輸青稞糧  
 石折支疊溪營兵食惟黑水於乾隆元年豁



免

如清鎮屬平番營轄上九關番民



松潘鎮屬平番營轄上九關番婦



上九關雲昌寺去谷寨番西番之裔

本朝康熙中歸化隸平番營設土千戶以統之  
 居處碉房以耕種為生常入山樵薪負至城  
 市番民帶草帽著羊裘以布緣之或衣自織  
 褐毯番婦辮髮分垂於肩綴以瑪瑙碑磔著  
 細摺緣邊長衣花褐半臂項綴素珠歲輸青  
 稞十石折徵貝母銀四十兩

平番營轄六關番民



平番營轄卜六關番婦



下六關呷竹寺等寨番民其種類與上九關  
 同亦同時歸化風俗相似番民皮帽褐衣草  
 帶布履番婦挽髻裹以花巾耳綴銅環繫小  
 珠一串亦習耕作紡織歲輸青稞二十石折  
 徵貝母銀三十餘兩皆克平番兵丁月米

松潘鎮屬南坪營轄羊崗各寨番民



松潘鎮屬南坪營轄羊崗各寨番婦



羊崗本生番有中下筒共三十四寨

本朝雍正三年勦撫歸化隸南坪營每寨設牌  
 長以領之番民多依山而居以耕牧為業性  
 愚頑好仇殺首戴皮帽插雉尾著緣邊褐衣  
 束帶佩刀番婦垂髮於肩綴以珠石長衫束  
 帶跣足不履項掛素珠富者輒三四串頗知  
 紅績其戶口六百餘戶輸青稞一斗充兵米

建昌中營轄阿都沙馬猓獬



建昌中營轄阿都沙馬猓羅婦



建昌本邛都地漢越巂郡唐沒於吐蕃元置  
建昌路明為建昌衛阿都長官司

本朝康熙中歸化雍正七年添設副長官司又  
沙馬宣撫司安民亦與阿都同歸化隸建昌  
中營皆猓羅種也居深山中擇溪澗架木為  
屋種菽為食頗事畜牧男挽髻垢面衣布褐  
短衣披氈於背夜即為衾左手常帶丹漆皮  
筒所以防格鬪也婦辮髮裹青布帕以金珠



綴抹額為飾著長衫加緣領半臂喜繫五色  
細摺裙恒攜氈笠以行歲以馬匹為貢賦

建三中左營<sup>和</sup>祭祀田等處<sup>猓</sup>獮



建昌中左營轄祭祀田等處猺獠婦



西昌縣祭祀田土百戶德昌所昌州長官司  
俱於康熙中歸化又有會理州苦竹壩土目  
皆猺獠種類性貪狡多疑以耕種為生常赴  
內地貿易男挽髻著短衣束長帶跣足佩刀  
左手亦常帶丹漆皮筒出必荷笠以防雨雪  
婦挽髮裹青帕結五色線垂於耳後著長衣  
細摺裙跣足亦知紡織歲納糧貢馬亦有服  
食言語與內地民人無異且能讀書識字者

建昌中右營轄阿史審札等處裸羅



建昌中右營轄阿史審札等處猓獮婦



阿史安撫司職乃土千戶於

本朝康熙中歸化雍正六年裁歸沙馬宣撫司  
 管轄審札土千戶等處亦同歸化雍正六年  
 改歸流官歲輸雜糧其人皆猓獮種類男子  
 椎髻裹青布帕耳綴銅環短衣草履背披黑  
 氈常繫布囊於腰性悍好鬪出必佩刀弩婦  
 女以青布裹頭布衣褐裙亦披黑氈於背跣  
 足不履頗習耕織

建昌鎮屬會川永寧營轄披沙等處苗人



建昌鎮屬會川永寧營轄披沙等處苗婦



會理州披沙外委土千戶祿民者保土目祿  
 氏會理村土目沙氏皆猓獮種而所管苗人  
 則來自滇黔為土目佃戶者耕漁為生善用  
 弓弩性疑而多畏信鬼神占卜服制與內地  
 畧同惟椎髻裹以布帕苗婦梳高髻以紅綠  
 布裹頭著長領衣花褐緣邊裙勤於力作







